

中國宗教歷史文獻集成編纂委員會編纂

黃山書社

民間寶卷

中國宗教歷史文獻集成之五

民間寶卷

中國宗教歷史文獻集成編纂委員會編纂

民間寶卷

第七冊

黃山書社

图书在版编目(CIP)数据

中国宗教历史文献集成. 107, 民间宝卷/周燮藩主编; 濮文起分卷主编. - 合肥: 黄山书社, 2005.

10

ISBN 7-80707-295-4

I. 中… II. ①周…②濮… III. 宗教-史籍-中国 IV. B929.2

中国版本图书馆 CIP 数据核字(2005)第 117338 号

民間寶卷第七冊目次

楊祖遺訓一卷……………一

五聖寶卷一卷……………一一

四位無字真經一卷 無極神通拾貳念佛一卷 大道如意報恩經文一卷 舊抄本……………六三

立世寶卷一卷 舊抄本……………七八

瑤池金母金丹懺上中下三卷 民國刊本……………八五

金剛科儀寶卷一卷 民國刊本……………一六二

然燈古佛親撰金剛經傳燈真解一卷 民國刊本……………二二〇

銷釋明淨天華寶卷上下二卷 明刻本……………二四一

大乘因果九環出塵寶卷一卷 民國重刊本……………三四〇

無上圓明通正生蓮寶卷上下二卷 清刻本 三五三

升蓮寶卷一卷 清刻本 四一二

開玄出谷西林寶卷上中下三卷 民國重刻本 四五〇

大聖彌勒化度寶卷一卷 清刻本 五四二

如如老祖化度眾生指往西方寶卷一卷 清刻本 五九九

銷釋南無一乘彌陀授記歸家寶卷一卷 舊抄本 六三二

藥師本願功德寶卷一卷附佛說三十五佛名經 明刻本 六七一

清抄本

楊祖遺訓一卷

楊祖本像



序

余竊思自修之道必以養性為先欲養性必先去害性之端害性者何烟酒是也烟能傷性酒能亂性除此二者方可入道道也者無他天理也完我性量也然所謂完我性量者非枯坐而已聲言如惻隱之心一起便當作足方為完我仁之量羞惡之心一動便當作足方為完我義之量如此類推日用倫常左在與吾性分相關少有一事缺欠即吾心之缺欠孟子云動容周旋中禮者盛德之至也余入道數十年與醒千百眾伏思我

楊祖

國初大儒垂世立教至誠如神普度已沉烟酒與未染烟酒者不啻恒河沙數也近時鴉片嗎啡紙烟洋酒為害較昔尤甚余久欲開明大道自愧見聞寡陋雖有心得不敢自以為是於是多方採訪廣為搜羅始得

楊祖遺訓五章一曰天理以教我輩明乎道統之傳窮理以盡性達天以知命也二曰治心以教我輩審乎獨知之地固念作狂克念作聖也三曰修身以教我輩察乎義理之要謹言以慎行教厚以崇禮也四曰齊家以教我輩知乎倫常之重愛親以敬兄養老以慈幼也五曰言道以教我輩通乎性命之源靜觀以自得養氣以歸根也是訓若然聖賢語錄身世準繩余得之奉為主

集糾合同志刊印流傳。惟願我。理門諸同志。躬體力行。證明自修之大道。而不入歧途也。夫是為序。

宣統三年春三月

楊祖世譜

祖諱澄。澄字仙道。號萊如。世居山東萊州府即墨縣。生于

明朝泰昌元年九月初九日。終于

明朝乾隆十九年六月二十四日。葬丁京東薊州之岐山。

祖父諱通雲。母大鄭。妻氏鄂。稽其先祖。乃關西夫子楊震之裔也。

國朝進士。授官廣東山水縣知縣。事母至孝。迎養任所。旋丁內艱。扶櫬回里。營葬復築室廬墓三年。殫心理學。昕夕不倦。因深明吉凶消長之道。不復出仕。而以勸戒烟酒。為宗旨焉。夫旨酒是絕。大禹已開其先。而烟毒害人。更為仁人君子所痛拒。祖之用意。以為人染烟酒。損身耗財。廢時失業。倘不早渡迷津。而登彼岸。則後之寡鮮。敗身喪名。將有不可勝言者矣。雖聖道之義理極明。不如佛教之易化。於是奉

南海大士為主。金言苦口。普渡衆生。斯時之沉入烟酒者。被澤固已不少。然溯其最大之功。最上之智。莫若預

禁鴉片之一事焉。夫鴉片一物。自

道光年間流入中國。至今將及百年。而七十年中。上自王公下及黎庶。無不噴雲吐霧。一榻橫陳。國弱民貧。已達於極點矣。所幸理門一教。孑然獨立。力殫其非。而勇於改過之士。乘機斷戒。由晦入明。真不知凡幾矣。故至今名望愈彰云。

楊祖遺訓

目錄

天理
治心
修身
齊家
言道

楊祖遺訓

天理

大衆既入理門。當知理門本上高。當行理門大道。學問無他。惟存天理去人欲而已。天理乃本然之善。有生之初。天之所賦畀也。人欲是有生之後。因氣稟之偏。動於物。縱於情。乃人之所為。非人之固有也。是故閑邪存誠。所以持養天理。提防人欲。省察克治。所以辨明天理。去人欲。若能操存涵養。愈精愈密。則天理常存。而物欲盡去矣。

大衆須知吾傳之道。乃古代聖賢所傳之心法。純乎天理也。堯之命舜。則曰。允執厥中。舜之命禹。則曰。心惟危。道心惟微。惟精惟一。

允執厥中。其在成湯。則曰。以義制事。以禮制心。其在文王。則曰。

不顯亦臨。無射亦保。其在武王。受丹書之戒。則曰。敬勝怠者吉。義

勝敬者從。周公繫易文之辭。曰。敬以直內。義以方外。至於孔子。則曰。

博學於文。約之以禮。又曰。文行忠信。又曰。克己復禮。其著之大學曰。

格物致知。誠意正心。修身齊家。治國平天下。顏子得於博文

約禮。克己復禮之言。曾子得之大學之意。至於子思。則先

之以戒懼謹獨。次之以知仁勇。而終之以誠。至於孟子。則先之以

求放心。而次之以集義。終之以擴充。至於二程子。則曰。涵養須用

敬進。學子則在致知。至於朱子之說。見之四書。而其要則尤以大

學為入道之序。蓋持敬也。聖賢相傳。其旨一也。然則明白若天

之象。昭昭然而不可易也。故嘗撮其三要。而明之。居敬以立本。窮理以致知。克己以滅其私。存誠以致其寧。以是四者。而存諸心。則千聖萬賢。所以傳道而教人者。不越乎此矣。

朱子曰。凡人須以聖賢為己任。世人多以聖賢為高。而自視為卑。故不肯進。殊不知聖賢稟性與常人一同。既與常人一同。又安得不以聖賢為己任。歷考古人之言。天有不以聖人為可學者。人苟有志於學。便當以聖人為准。既有志欲學。聖人便當以孔子為準。雖其為德大而化。聖不可知其為。道無窮盡。無方體。然其功近而精實者。要不越乎日用動靜語默之間。所謂無行不與者。是也。學孔子者。亦於此學之而已矣。

程子曰。莫說道將第一等人讓與別人。且只做第二等。纔如此說。便是自棄。言學便當以道為志。言人便當以聖為志。孔子曰。志於道。夫志者。心之用也。性無不善。故心無不正。而其用則有正不正之分。此不可不察也。志於道。則義理為之主。而物欲不能移。由是而據於德。而依於仁。而游於藝。自不欠其先後之序。輕重之偏。本末兼該。內外交養。涵泳從容。不自知其入於聖賢之域矣。

人之為聖賢者。非生而然也。蓋有積累之功焉。由有恒。而至於善人。由善人。而至於君子。由君子。而至於聖人。階次之分。視乎學力之淺深。孟子曰。夫仁亦在乎熟之而已矣。積德累功者。亦當求其熟也。是故有志為善者。始則克己之。繼則保全之。終身不敢退然。

後有日增月益之效。故至誠無息。不息則久。久則能復則悠遠。悠遠則博厚。博厚則高明。其功用豈可量哉。

孔子曰：先行其言，而後從之。如宋周程朱諸儒，皆能勉行道學之實。其議論皆發明先聖先賢之奧旨。又若司馬溫公，乃宋朝名相，觀其編輯資治通鑑，論斷古今，盡得其當，可謂言行相符。然自未嘗博道學之名也。今人講道學者，徒尚語言文字，而尤好議人非，非言行不符，而實有實者，蓋亦衆矣。余教大衆，不尚空言，惟務實行，尤不可非議人。蓋以人各有短長，棄其所短，而取其所長，始能盡人之材。若必求全責備，稍有缺欠，即行指摘，非忠恕之道也。天地萬物之理，出於靜，入於靜。人心之理，發於靜，歸於靜。靜者，萬理之臺，萬化之樞紐也。動中發出，與天則便相似。故雖暴悍之人，平旦皆有良心，發於靜也。

天薄我以福，吾厚吾德以近之。天勞我以形，吾逸吾心以補之。天既我，以遇，吾亨吾道以通之。天且奈我何哉。

天者理而已。人能順理，即是順天。順天者存，逆理即是逆天。逆天者亡。

治心

人惟一心，起為念慮。念慮之正與不正，只在頃刻之間。若一念之不正，頃刻而知之，即從而正之，自不至離道之遠。書曰：惟聖罔念作狂，惟狂克念作聖。一念之微，靜以為之，動則察之，必使俯仰無

愧，方是實在工夫。是故古人治心，於念之初生，稍之未起，所以用力甚微，而成功甚鉅也。

大學中庸俱以慎獨為訓，是為聖賢第一要諦。後人益其說曰：暗室不欺，所謂始無有二於焉。在私居獨處之際，在心曲隱微之處，此皆獨處。則人不及見，心曲隱微，則人不及知。惟君子謂此時指視必嚴也，戰戰兢兢，兢兢業業，不動而敬，不言而信，斯誠不愧於屋漏，而為正人也夫。

心一念之微，不在天理，便在人欲。是故心存私，便是放。不必逐物馳騁，然後為放也。心一放，便是私。不待縱情肆欲，然後為私也。惟心不為耳目口鼻所役，始得泰然。故孟子曰：耳目之官不思而蔽於物，物交物，則引之而已矣。心之官則思，思則得之，不思則不得也。此天之所以與我者，先立乎其大者，則其小者不能奪也。此為大人而已矣。

凡人存善念，天必綏之福祿，以善報之。大衆日持念珠念佛，欲行善之故也。然惡念不除，即持念珠何益？凡人處世，惟當常尋歡喜，歡喜處自有一番吉祥景象。蓋喜則動善念，怒則動惡念。故古語云：人生一善念，善雖未為，而吉神已隨之；人生一惡念，惡雖未為，而凶神已隨之。此誠至理也夫。

人生於世最要者，惟行善。聖人經書所遺如許言語，惟欲人之善。仙佛之教，亦惟以善引人。後世之學，每每各向一偏，故爾彼此如讐。啟也有自謂道學，入神佛寺廟而不拜，自以為得真傳正道。此皆學

未至。而心有偏。以正理度之。神佛者。皆言之至人。我等禮之。敬之。乃理之當然也。

世上人心不一。有一種人。不記人之善。專記人之惡。視人有醜惡事。轉以為快樂。如得奇物者。然此等幸災樂禍之人。不知其心之何以生而怪異如是也。大眾當以此為戒。

凡人持身處世。惟當以忍存心。見人有得意事。便當生歡喜心。見人有失意事。便當生憐憫心。此皆自己實受用處。若夫忌人之成。樂人之敗。何與人事。徒自壞心術耳。語云。見人之得。如己之得。見人之失。如己之失。如是存心。天必佑之。

凡人最要者。惟力行善道。能盡五倫。而一心篤於行善。則天必眷祐。報之以祥。益從日言善。而心存姦邪。決不為天所祐。是以古聖人。惟欲人之止於至善也。

古人云。治心有要。先除偽。入德無難。只用真。誠哉斯言也。只一事不留心。便有一事不得其理。一物不留心。便有一物不得其所。

種豆其苗必豆。種瓜其苗必瓜。亦有所存如是。而所發不如是者。心本人欲。而事欲天理。心本邪曲。而言欲正直。其將能乎。是以君子慎其所存。所存是種種皆是。所存非種種皆非。未有分毫爽者。

盜只是欺人。此心有一毫欺人。一事欺人。一語欺人。人雖不知。即

未發覺之盜也。言如是而行欺之。是行者言之盜也。心如是。而口欺之。是口言之盜也。纔發一言。其實心。驟然一箇偽妄。是心者心之盜也。諺云。瞞心昧己。有味哉。其言之矣。欺此盜名。其過大。瞞心昧己。其過深。

心一鬆散。萬事不可收拾。心一疎忽。萬事不可入耳。心一執著。萬事不得自然。

胸中只擺脫一戀字。便十分爽快。十分自在。人生最苦處。只是此心沾泥帶水。明是知得。不能斷割耳。心要如天平。稱物時。物忙而衡不忙。物去時。即懸空在此。只恐靜虛中正。何等自在。防欲。如挽逆水之舟。纔歇力。便下流。力善。如緣無枝之樹。纔住

脚。便下墜。是以君子之心。無時而不敬畏也。

每日點檢。要見這念頭。自德性上發出。自氣質上發出。自習識上發出。自物欲上發出。如此省察。久久自識得本來面目。初學最要如此。

道義心胸發出。自無暴戾氣象。怒也怒得有禮。若說聖人不怒。聖人只是六情。

良知何處來。生於良心。良心何處來。生於天命。

使氣最害事。使心最害理。君子臨事。平心易氣。當大事。要心神定。心氣足。

凡事存一念天理。心雖不必責報於後。然孫穎之。日說幾句陰陽話。縱未能盡施於人。鬼神鑒之。

起一害人之念。即是滿腔殺機。不必見之於事。已損折陰陽多矣。

念一萌。即是魑魅魍魎。道心一動。即是大地神明。人只言人心難料。不知自心更不平。識得自心。方可說人心。

性躁心粗者。一事無成。心平氣和者。百福自集。

心和則氣和。氣和則形和。

人生世上。人之毀譽。不足憑信。只是自己做事十分不差。心上無愧便了。

至誠之極。可動天地。無欲之極。可服鬼神。寧耐。是虛境第一法。安詳。

是應事第一法。謙退。是保身第一法。涵容。是待人第一法。置富貴貧賤。

賤。顛沛造次。於度外。是養心第一法。

因一事不快於心。而遷怒之心妄發。此學者之通病。當事務叢難之中。

吾心當有所主。不可因彼之擾擾而遷易也。

士君子作人。重言。時只要箇用心。一事不從心中出。便是亂舉動。刻

心不在腔子裏。便是空軀殼。

修身

聖狂之分。只在苟不苟兩字。

不動氣。事事好。

有一言而傷天地之和。一事而折終身之福者。切須檢點。

工夫。切要在風疾。飲食男女。衣取勤謹。語默應事。接物之際。於此皆合天理。則道不外是矣。

無事便思有閒雜念想否。有事便思有粗浮意氣否。得

意便思有驕奢辭色否。失意便思有怨望情懷否。時時

檢點得到從多入少。從有入無。纔是學問的真消息。

深以刻薄為戒。每事當存忠厚。

不耐煩。幹不得事。不忍氣。做不得人。

富貴家宜學寬。聰明人宜學厚。

人須在事上磨鍊。做工夫乃有益。若只好靜。遇事便亂。連

那靜時工夫亦差。

為人不可不學日用應酬之外。稍有餘閒。當披覽書籍。與聖

賢相對。身心自有益處。

語人之短。不曰直。言人之惡。不曰義。

凡善教人者。必先解其惡。而徐示以所樂聞。然後其言不勸自

行。

百病從口入。言禍從口出。故頤曰。慎言。語節飲食。

有道德者。必不多言。有信義者。必不多言。有才謀者。必不多言。惟

見夫細人狂人佞人。乃多言耳。夫未有多言而不妄。亦未有多言

而無禍者也。

事來只順應之。不可無故而先生事。

事合義雖大不懼不合義雖小當謹
禮義廉恥可以律己不可以律人則察過律人則察合
非淡世之道。

過人處迷處。出一言提醒之。過人急難處。出一言解救之者。
上資祖考。下蔭兒孫。

一點慈愛。是人生積福根由。

講學不尚躬行。為口頭禪。立業不思種德。為眼前花。誠為萬
善之本。偽為百禍之基。

一味不耐煩。是人平生大病。蓋日用應酬。雖極瑣瑣。能從此處弄
出一段精細光景。纔是學問工夫。若徒避軍避人。自圖安靜。真

暴棄之尤所痛改。

十二

凡有橫逆來。便思所以取之之故。不忍所以處之之法。不可便動氣。
齊家

人品只在五倫上看。此處得。則小過不足疵。此處失。則家長不
足錄。

離人倫而為言。開口便錯。離人倫而為行。舉足便差。五倫之外。更
有何學問可談耶。

做人要學大。莫學小。志趨一卑。污了品格。難乎其高。作家
要學小。莫學大。門面一弄闊了。後來難乎其繼。

現在之福。積自祖宗者。不可不惜。將來之福。積於子孫者。不可不培。

夫現在之福。如點燈。隨點則隨竭。將來之福。如添油。愈添愈燭。
凡人盡孝道。欲得父母之歡心者。不在衣食之奉養也。惟持
善心。行合道理。以慰父母。而得其歡心。斯可謂真孝者矣。
余之訓語。皆古人善行善言。大眾授教。回家各告爾之妻子。
爾之妻子。亦莫不樂於聽也。事之善有爾此者。此
人家禍患。皆因多事生來。善於處事者。以清靜省事為本。
人生不從孝弟起根。如危牆秋葉。不耐風雨。非落則圯矣。他復
何問。

量入為出四字。有國有家者。不可不講。
家貧而結富豪。沒而行大事。此速敗之道也。

家人有過。不宜暴揚。不宜輕棄。此事難言。借他事隱諷之。今日
不愾。俟來日正警之。如春風解凍。如和氣消冰。纔是家庭的
型態。

富貴之家。常有窮親戚往來。便是忠厚。

人家最不要事事足意。常常有些不足處。便好。人家繞事事
足意。便有不好事出來。亦消長之理然也。

正家之道。宜痛絕閒雜女流。不容其出入。蓋此流多陰智。能揣
婦人意。且巧為詞說。又能鼓動妻孥。無識。未有不墮其術中
者。故骨肉之離間。鄰里之忿爭。皆此流構之也。抑或甚焉。或為
賊之道。或為奸之媒。其害有不可勝言者。

害莫大於辯于造言。而婦人悅。婦人附會而失其信。男正乎外。女王乎內。而不可離。其可得乎。更有性不修命者。不知命乃天之所賦。體形而後。緣精神而生。神本無體。以炁為體。精無定而

內禁此二害。家政肅矣。

言道

倫常之外無道德。道德之外無文章。

自然問道。道名相。一性而已。元神而已。性命不可見。寄之而即

名曰性光。曰光靜觀。無上妙諦。古來大聖人。口相傳。傳一

得。所傳宗旨。直提性功。不落第二法門。

天地視人如蟬。大道視天地亦泡影。惟元神真性。則且

起元會而上之。其精氣則隨天地而敗壞矣。然有元神

在。即無極也。生天生地。皆由此矣。

回光則天地陰陽之氣。無不凝。二精思者此也。純氣者也。

純想者此也。

坎離。凡漏洩精神。動而交物者皆離也。凡收斂神識。靜而

中涵者皆坎也。七竅之外。走者為離。七竅之內。返者為坎。一

陰主于遂色。隨簾一陽主于返聞。收見。坎離即陰陽。陰陽即

性命。性命即身心。身心即神炁。一自氣息精神。不為境緣流

轉。即是真交。而沉靜靜坐時。又無論矣。

性命二字。不可概觀。而修之有首。走修命不修性者。使性離

散于百骸九竅。不知歸宿之所。不知靜定之樂。一身之炁。湯沸

火煎。莫能止息。則炁馳神耗。精必無由以生。精既不生。性必

以意而形。體物有三。根本則一。王雖性神。精氣亦所當養。三者互

相為用。不可相離。若不保其形骸。務思虛渺。則真元已耗。難復

性。豈可得乎。又曰。騎牛不見牛。能悟者誰。苦欲修此。須識生如石

火流光。附薪而燭。死如秋蟬脫殼。本性猶存。只就此處理會。更不轉

移。便是歸根復本。性命俱全之理。化可識矣。

周天。非以氣作三。以心到為妙訣。若專究如何周天。是助長也。無

而亦無意。而亦即觀于天。三百六十五度。刻刻變遷。而斗柄終矣。

動。吾心亦猶是也。即璇璣氣即羣星。吾身之氣。四肢百骸。原

是流通。不要十分着力于此。鍛煉識神。斷除妄見。然後藥生。藥

非有形之物。此性光也。而即先天之真炁。然必于大定後方見。并

無操法。言操者。大謬矣。見之既久。心地光現。自然心空漏盡。解脫

塵海。若今日龍虎。明日水火。終成妄想也。戒之戒之。

伊尹曰。天之生此民也。使先知覺後知。使先覺覺後覺也。今則

楊祖遺訓。知祖乃天民也。何以知其天民哉。蓋因其先覺天下

烟酒之為害。以聖道覺斯民。不知以神道覺斯民。使民易於信

從。所以自傳道以來。如極氏於水火之中。而登於莊席之上。二百年

來。活人無算。此明證也。讀其遺訓。乃自不難克覺之道。字字皆

係孔孟心傳。夫聖賢用心。無一時不以世道為念。無一日不以生民為懷。
禹思天下有溺者。由己溺之也。稷思天下有飢者。由己飢之也。范
文正公自作秀才時。便以天下為己任。

祖發宏願曰。渡盡全球斯民。皆離烟酒苦海。而登彼岸。吾願不
休。由此觀之。非天民也。而何是。訓篇中。皆祖親歷身心性命。日用
倫常之精微。以教後學。讀者不可一覽而盡。全在躬行實踐。
其智深者見深。淺者見淺。其行得寸則寸。得尺則尺。古人云。聖域
賢關。原非禁人步履。我輩只要行之。亦能行得到也。欲得斯道。
請讀斯訓。

宣統三年春三月天津楊柳青鎮後學 戴文瀾 瞿樹棠 謹識

清抄本

五聖寶卷一卷